

新疆圖志卷十八

藩部三

特穆圖泊考

由北道赴回疆赴霍罕者皆以特穆圖淖爾爲孔道而又唐以來邊徼建牙之地也按唐書出安西羸二千里渡雪海北行羸千里得碎葉川唐時安西都護治龜茲今庫車雪海在今冰嶺中當卽特穆圖淖爾辨機西域記云自凌山行四百餘里至大清池

原駐名熱海又名鹹

海周千餘里東西長南北狹四面負山衆流交湊色帶青黑味兼鹹苦洪濤泊潏魚龍雜處靈怪間起或云四百里或云西羸千里者唐書於荒徼得自傳聞辨機則身歷耳考之沙鉢羅啞利失可汗分國爲五部左五咄陸部居碎葉東右五弩失畢部居碎葉西號十姓自此始以碎葉爲宗會永淳初阿史那車簿啜反圍弓月

城王方翼次伊麗河斬首千級俄三姓咽麴兵至

魏書得疑海東西有三素蘇羯咽蔑促護忽等國得疑海卽特

穆圖淖爾也方翼次熱河分道襲之始築碎葉城以備四鎮武后時突騎

新疆圖志

藩部三

一

施別種烏質勒攻取碎葉爲大牙弓月城伊麗水爲小牙開元中吐火仙居碎葉引黑姓爾微特勒保怛羅城蓋嘉運攻吐火仙擒之自漢至隋匈奴突厥建庭皆直朔方暨唐平沙漠回紇突厥始漸移而西至高宗平定賀魯兵威極盛於瀚海設燕然都護以制北方於龜茲設安西都護以制西域又置月氏太汗等十六都督府奇沙和默等八十餘州幾收葱嶺南北大漠東西盡入版圖惜當時徒事羈縻未謀生殖不旋踵而復入回鶻遺患至今此固經營西域者爲中國留一大缺憾也蓋漢時西踰葱嶺經大宛以抵康居爲正道陳湯傳自溫宿入赤谷過烏孫涉康居界至聞池西聞池卽特穆圖淖爾爲間道晉法顯魏宋雲皆由和闐而赴印度不必西遶凌山耶律文正邱長春劉郁自北來而赴霍罕又不必南踰葱嶺惟唐元奘由焉耆龜茲姑墨度石磧至凌山過大清池至素葉水城徧歷康石諸國而入天竺復由竭盤陀國東下葱嶺經和闐而歸不獨訪求佛法觀其對戒日王之語蓋欲週行西域以揚大唐威武

耳元郭寶玉下搆思干城進兵亦由此始 國史剛多濟傳云阿睦爾撒納詭稱葉爾羌喀什噶爾諸回衆將襲伊犁請勿遣剛多爾濟歸令護視特穆圖淖爾降衆車布登札布傳云乾隆二十四年夏由塔爾巴哈台赴特穆圖淖爾協剿霍集占是乃古今行軍之要道爲南北兩路之咽喉往時伊犁赴回疆換防亦出此也按西遊記

自賽蘭三日行至一城王亦回紇也明日復歷一城又二日至霍蘭河由浮橋泊於西岸按霍蘭即納林河今亦有浮橋乾隆二十五年布魯特於玉托依瑪斯以造浮橋功受七品秩是也後換防即由此

同治三年中

俄塔城記約遂舉西北數千里之地棄之俄人與愛琿條約之盡分興安嶺同一大錯今彼於其處阿里瑪圖設七河巡撫成爲重鎮創修鐵路不五日可達彼都北有斜米南有費干而我疆事危矣嗚呼惜哉

### 珠勒都斯考

伊犁赴南疆有三道一出阿克蘇一出喀什噶爾一出喀喇沙爾則開都河其要衝也按開都河有三源一源曰大珠勒都斯河直庫車城北之汗騰格山東北百餘里有地曰阿喇爾湧泉百餘會

### 新疆圖志

藩部三

二一

以東流土爾扈特卓里圖汗之牧地也一源曰小珠勒都斯河出阿勒坦陰克遜之皆和碩特之牧地也二水至哈爾瑪圖既合復分二枝各行三百餘里而復合始名開都河一源曰和屯博克達水東南流經喀喇沙爾西南五里東流爲博斯騰淖爾卽水經注所謂敦薨之水二源俱導者也考唐書突厥傳永徽五年前軍蘇定方擊賀魯別帳鼠尾施於鷹婆川回鶻傳鷹婆川在焉耆西北水道記意卽開都河唐置鷹婆川都督府於此蓋以其地南接龜茲西通伊犁與安西都護所轄之十六都督府四十八羈縻州遙相聯絡誠要地也準噶爾時有沙拉斯瑪呼斯者準部二十四鄂拓克之一也居喀喇沙爾之海杜河西乾隆丁丑春將軍成袞札布參贊舒赫德由朱勒都斯進伊犁道遇克特勒烏魯特沙喇斯瑪虎斯等皆撫降其衆大軍過而復叛都統滿福中伏死又和碩特台吉子諾爾布敦多克游牧額琳哈畢爾噶擊阿於逆諾爾斯哈濟拜牲不勝偕薩拉爾間道行由珠勒都斯至巴里坤又貢格

敦丹傳阿爾睦撒納叛定西將軍策楞引大軍赴伊犁貢格敦丹由珠勒都斯間道至審是則珠勒都斯爲天山南北相通之要道蓋是時大軍駐巴里坤阻於烏魯木齊故由西北兩路進則會於博羅塔拉由南路進則經珠勒都斯以偏師剪其羽翼也西陲記略載雍正中使臣至準噶爾行程記云自察罕鄂博圖往小裕勒都斯九十里自小裕勒都斯往大裕勒都斯八十里途路平坦水草豐茂兩裕勒都斯冬夏皆宜惟季春猶雪飛霏無時遇風卽結成糝自此路分兩歧取其捷者自大裕勒都斯六十里住鄂惇庫爾山口又五十里過鄂惇庫爾嶺取其坦者自大裕勒都斯向西南行過烏納達罕嶺又自伊拉里克一百四十里住阿拉癸峪口路途寬闊有碎石阿拉癸峪內河水清澈樹木成林伯行人在兩邊崖坎上下行走駝馬甚苦初十日仍在峪內六十里住過河七八次樹木稠密徑道險窄十一日仍在峪內七十里住倚山口有土城已壞城內鑿山爲石磴道云云按新疆識略由伊犁東南經那喇特達巴罕朱勒都斯山察罕通格山而至喀喇沙爾城可馬行無軍台喀喇沙爾輿圖云西北至那喇特達巴罕四百八十里交伊犁界識略云惠遠城至那喇特六百餘里而水道記所記由惠遠城經喀什河岸之都爾伯勒津回莊空格斯河岸之烏圖嶺又踰烏努古特嶺昌曼而至納喇特嶺又三十里至大裕勒都斯河則一千二十里與識畧異蓋程途紆直不同耳計由烏魯木齊自托克遜至喀喇沙爾一千五百餘里由伊犁踰納喇嶺至開都河踰河卽喀喇沙爾則僅一千一百餘里程途較捷東可由吐魯番而達哈密北可由大小裕勒都斯合流之哈爾沙圖卽哈爾瑪圖而達鞏甯水道

記鞏甯城南阻阿拉癸山阿拉癸山有徑路通伊犁水道記阿爾沙圖百九十里至胡吉爾台又五十里至哈屯博克達山又百五十里至薩勒哈郭勒又百五十里至烏蘭布拉克又六十里至達爾達木圖又七十里至烏蘭拜又三十里出口至鞏甯當卽行程記出阿拉癸山之路

惟中經那喇特嶺察罕通格山不能通車若於山內開通陝隘於開都河增設渡船酌設一營置卡以衛商旅安台以通軍報西可避出凌山東可免紆戈壁將來必成孔道南北有事亦易應援如庫舍圖嶺之廿四盤道果子溝之四十八

橋施功雖艱爲利甚遠是亦爲伊犁疆計者所當措注者爾  
博羅塔拉考

博羅塔拉在伊犁城北三百餘里察哈爾牧地而準昔部策妄阿喇布坦建牙之所也初準噶爾之妻阿努有女弟曰阿海兄之策妄阿喇布坦將以爲妻噶爾丹奪取之策妄怨徙博羅塔拉康熙五十四年祁里德奏我兵進勦策妄有兩路一由布拉罕順額米爾河尋伊犁河過阿勒坦厄默勒嶺一由博克達額林哈畢爾噶進闡厄奇嶺兩路俱至額米爾河

額米爾河出鄂勒霍綽爾山西流經塔爾巴哈台城南注於阿拉克圖滄爾淖爾

於博羅塔

拉會合乾隆二十年大兵進征伊犁定北將軍由烏里雅蘇台出北路定西將軍永常由巴里坤出西路實會於此新疆識畧賽里木淖爾在惠遠城東北二百餘里塔拉奇嶺之北四圍皆山其北山後有地名波羅塔拉水草豐茂土地平曠西域水道記博羅塔拉河自達爾木圖小卡倫以西鄂拓克賽里卡倫以東長二百餘里夾河葱翠短草長林襟帶沃衍牛羊散布蓋其地川平山奧屯

## 新疆圖志

藩部二

四

牧俱宜且居伊犁北面要衝故策妄阿拉布坦阿睦爾撒納皆於此分庭焉大軍既定伊犁阿逆叛逸哈薩克適喀爾喀郡王青衮咱卜之變自十六台至二十九台皆撒於是輝特汗綽羅斯汗先後皆叛阿逆亦自哈薩克歸大會諸賊於博羅塔拉河欲自立爲汗二十二年命定邊左副將軍成袞札布由珠勒都斯進兆惠爲伊犁將軍由額林哈畢爾噶進羅卜藏多爾濟偵阿逆由博羅塔拉走阿卜克特偕副都統愛隆阿分道馳擊抵塔爾巴哈台阿逆遂走俄羅斯按額琳哈畢爾噶在伊犁東北四百餘里列在祀典西域水道記博克達山尊如元首額林哈畢爾噶如旁肋據告祭所在定爲哈屯博克達西百里之山通漠克傳云大軍進勦準噶爾時策忘居博羅塔拉以額林哈畢爾噶爲要隘又和碩特諾爾布敦多克游牧額林哈畢爾噶間道由珠勒都斯至巴里坤是額林哈畢爾噶爲博羅塔拉之前隘識畧塔勒奇山在惠遠城東九十里嶺隘如關谷中林木茂密俗呼果子溝嶺下出泉滙爲大河

經流谷中乾隆二十年北路大軍進勦由波羅塔拉越此山之嶺卽祁里德所奏之闐厄奇嶺也是塔拉奇爲博羅塔拉之後隘綜核諸書形勢甚明今時由烏魯木齊赴伊犁者自鄂勒著伊圖博木台南行沿賽里木淖爾行五十里陟松樹頭達巴罕入山溝行三十里至鄂博勒奇爾台四十里至塔拉奇滿台始漸出山皆由山內行出淖爾之南若由精河赴博羅塔拉則由山外行出淖爾之北然亦仍踰塔拉奇嶺由三台而進伊犁乾隆二十七年辦事大臣阿桂奏言今秋添設額林哈畢爾罕路軍台自精河博羅布爾噶蘇雪大難行厄魯特人由塔勒奇巴達罕賽里木淖爾森木什克等地方運送前來山路正平秋雪較少有噶爾丹策凌時舊橋可以行走乃改由塔勒奇至托里安設六台塔勒奇尤東西南北四路之交衝俄人前於果子溝置戍兵今將軍長庚亦欲駐軍博羅塔拉蓋爲此爾

### 俄羅斯源流考

## 新疆圖志

藩部三

五

俄羅斯居西北之極邊至漢而始肇至唐而再興至明而大盛如丁零堅昆大月氏高車骨利幹諸國皆今俄羅斯吞併開拓之區而非其立國開基之地也綜覽諸說有謂爲烏洛侯者艾儒略識方外紀漠北國有烏洛侯四裔考因之且言侯乃俟之形訛斯則俟之音轉改中國字形以附外國之言俞正燮譏之是矣案魏書地豆干在室韋西千餘里烏洛侯在地豆干之北去代都當四千五百餘里今俄羅斯去代都當二萬餘里身齋雜記謂以里到方位攷之無可疑者何也又謂靈徵志魏之先居幽都也鑿石於烏洛侯國西北遣中書侍郎李廩告祭斬樺木立之以置牲醴而還所立樺木生長成林民益神奉與異域錄紀俄物產松樺爲多相合然今西域樺木遍生是處葱青彌望不獨靈鍾烏拉豈皆地證渾羅艾圖之有烏洛侯者西人譯書往往依託中史地名時代以張大其外邦耳此不足證者一也有謂爲烏孫者吳兆賽謂邏察一名老羗烏孫種也何秋濤遂引大月氏由祁連敦煌遷媯水土

爾扈特由雅爾徙額濟勒河援元王暉玉堂嘉話斷俄羅斯爲古  
烏孫然考遼史會同元年尙有烏孫來賀唐時祿利哥已自立國  
何爲冒稱烏孫若謂深目碧瞳虬髯相似歐洲人物大抵作如是  
觀秋濤又謂蓋遠徙數傳之後音轉爲幹羅思阿羅斯以漢字書  
之不復知有烏孫漢西域傳有烏秣烏音一加烏孫之烏正與俄  
鄂相近然孫音豈與羅斯相近耶又言烏孫介乎匈奴西域之間  
兼有北方游牧西域商賈之俗俄羅斯介乎蒙古歐羅巴之間亦  
兼商牧與烏孫同然俄實居國而非行國秦夏各國自通印竹蒟  
醬亦孰非遍地行商耶此不足證者二也有謂爲吐番者四洲志  
峩羅斯舊國卽古時額利意大里之北邊地所謂西底阿土番也  
繆祐孫俄游彙編遂謂吐番卽禿髮後改爲宰勃野細審俄音稱  
其國曰嚕西牙稱其人曰嚕斯格嚕斯格三字合音急呼卽嚕啞  
吳熊光所譯嚕啞卽俄羅斯禮部則例亦有嚕啞皆就其本國語  
音譯之適合嚕西牙與禿髮嚕斯格與宰勃野音亦相諧然遍考

## 新疆圖志

藩部三

六

中外諸書無稱俄爲嚕西牙者宰勃野嚕斯格亦實非音對邊野  
族類大概稱番如西藏青海松潘暨歐洲西北各種見瀛環志略皆然何  
獨西底阿土番定爲樊尼遺種耶又謂按後漢書西羌氏族無定  
或以父名母姓爲種號與俄先代察罕蹈襲無諱相同夷狄命名  
大抵多係其父祖之顯名以爲名如土爾扈特之阿奇玉準噶爾  
之噶爾丹策凌哈薩克之黑宰名母暨歐洲之拿破崙第三路易第  
十四威廉第一亦莫不然豈皆盡爲羌種乎此不足證者三也有  
謂爲羅刹者

欽定方略羅刹者俄羅斯國人也鄂羅斯僻處西北絕域其人率  
皆獷野冥頑有居界上者與黑龍江相近我達呼爾索倫人因呼  
爲羅刹黑龍江界上當卽雅爾薩人泥布楚人泥布楚本布拉特  
烏梁海部落崇德間始併歸俄俄羅斯至唐而已著豈得以尼布  
楚之羅刹人概之况羅刹本索倫人所稱亦非俄人之自稱耶若  
謂同顛林圖之羅沙按顛林稱在賀蘭東北賀蘭卽荷蘭去尼布

楚幾二萬里若謂同唐書流鬼傳之夜叉國按夜叉國在流鬼北近北海卽令俄哥德疴部去荷蘭之羅沙亦幾二萬里豈得與俄羅斯混爲一耶俞正燮附會佛書謂俄羅斯卽阿修羅尤荒誕粵海關監督奏有略咂國商人略咂卽羅刹對音粵音譯西亦殊不確此不足證者四也有謂爲怛羅斯黠戛斯者考唐書西域傳碎葉城四百里至千泉西羸百里至怛羅斯城石國傳高仙芝斬石國王王子走大食乞兵攻怛羅斯城破仙芝軍又吐火仙居碎葉引爾微勒保怛羅斯城皆今右哈薩克地近年始分屬俄其非俄羅斯舊國甚明點戛斯則直回紇牙帳三千里依貪漫山得仙娥水今猶爲半蒙半俄之地唐武宗時阿熱來朝冊爲宗英雄武誠明可汗遼時猶稱爲北方大國是時祿利格已興其非俄羅斯舊國亦甚明金時不復著見或曰元初吉里吉思卽其裔或曰西徙爲幹羅思亦月氏遷媯之臆論備乘旣確指俄爲烏孫又謂艾圖之葛勒斯卽一統志所引之黠戛斯是亦自相矛盾耳此不足證

## 新疆圖志

藩部二

七

者五也有謂爲役古者謝清高海錄曰役古國在布路牙呂宋佛郎西後伊宣各國之北疆域極大本回回種類人西洋人謂之仍叻喇多猶華人言大國也唯稱中華及役古爲然魏源謂卽都魯機國役卽都魯二字之雙聲疆域大而率回教是其明證葉圭綬則謂非俄羅斯不足以當之考南北都魯機全盛時東取波斯西滅拂菻實中亞第一雄國西域聞見錄之控噶爾卽都魯機俄羅斯進呈書籍內有平定空谷爾方略土實俄之勁敵楚軍定葉爾羌獲乳目國數人詢之爲都魯機人資送回國乳目乃役古之對音而葉謂役古卽莫斯科之轉莫斯科卽俄羅斯之轉莫斯科卽俄羅斯所謂斯科無疑役都律切役古之轉莫斯科是何讀耶又謂俄羅斯雖祆教然本回鶻故地故云然俄羅斯興於唐而滅於元謂爲蒙古故地猶可謂爲回鶻故地豈三皮提里普爾斯科曾亦留花門耶此不足證者六也有謂爲大食者龍沙紀畧曰俄羅斯古大食國歷今一千七百一十一年元太祖與其弟分收地其

弟滅俄羅斯卽以封之考大食興於唐初有黑衣白衣兩種吞併諸國東西萬里勝兵四十餘萬東與突騎施相接北與黠戛斯相鄰昭武九姓亦爲臣屬卽今南嶽數部皆在其囊括之中然尙未能據裏海爲中原也暨俄羅斯興凡罽賓高附安息條支古國故土蠶食幾空然與大食相鄰之波斯包社俾路芝亞刺伯諸小邦猶皆自立亦尙未能收紛摩爲腹地也蓋方式濟吳兆騫楊賓之書當俄羅斯尙未大顯居東談西如老羗邏車之類往往筆諸傳聞兀赤事載在元史尙誤以子爲弟况四洲之志未覩又何怪其併亞於歐耶此不足證者七也有謂爲元裔者博明西齋偶得明興而元入沙漠遭額森之亂旣微而復繁衍鄂羅斯之察罕汗亦是太祖從子之裔考元史太祖征西域收斡羅思阿速欽察諸地封長子兀赤爲汗傳至月祖伯裔孫庫程汗當明宏治有諾落戈部人依番借兵西費耶忒國恢復俄羅斯故疆盡逐蒙古博至三十世汗征服喀山托波爾等處至波利斯王而中衰逮二十三世

## 新疆圖志

藩部二

八

汗遷居彼得羅堡遞傳察罕哈屯諸名汗國勢日張般般可考傳明未見總記備考諸書故瞶瞶耳且以宗教論蒙古崇黃教俄羅斯則崇希臘教以字體論蒙古名特托忒俄羅斯則名諾拉提以氏族論據俄游彙編言譯其國一千有五十四年之圖俄爲思拉完族而元後則博爾濟吉特族無一同者卽土爾扈特之留居額濟勒河者爲元臣翁罕族亦非太子兀赤裔果何據而稱爲元裔耶此不足證者八也然則俄羅斯祖國於古何徵曰其仍徵之漢之奄蔡乎考漢書奄蔡國踰康居大宛境北臨大澤無涯東漢朝改名阿蘭聊一作阿蘭那二國魏志注西戎一名阿蘭北魏時爲匈奴所滅改名粟特西域傳粟特在康居西北去代一萬六千里杜佑通典粟弋後魏通焉一名粟特在安息六十里附庸小國四百餘城案蘭羅對音不言聊者聊爲尾聲或言那者那音阿那其枝之那蘭那卽羅字合音也譯其國六十二年暨一千有五十四年之圖其在波羅的海之南者有烏拉西族烏拉西當卽阿蘭西西亦尾



聲而又轉爲斯西北夷音凡部名國名水名如點戛斯魯謨斯綽羅斯之類以斯爲尾聲者極多亦如烏孫之昆彌靡之糜而如職方外紀之莫哥斯末亞沒箇斯末亞異域錄之斯科俄游彙編之斯克慈克則音遞轉而尾又增也自粟特後不見於史然歷數百年而唐之祿利格元之斡羅思明之諾落戈譯之仍皆阿蘭之對音蓋以漢字書番語其不能脗合者十之八九利瑪竇南懷仁諸圖及總紀備考全志各書又泰西人學漢文者所撰其於亞洲滿蒙回準語言文字亦不能通俄事爲古今北徼所關譚譯言人人殊以故地號國名其異尤甚然苟卽方隅里至以覈其實對音合音雖有輕重緩急長短之不同而上下數千年間要亦不大相遠也今考其地則北臨大澤當與寬田志思相值計其里則去代安息當與彼得羅堡相符窮其世次雖亦遞有沿革而祿利格依番伯多羅汗迢遞相承是俄羅斯祖國之爲東漢奄蔡更名之阿蘭斷無疑義夫俄以一濱海大封聲名文物不通上國歷來北徼匈

## 新疆圖志

藩部二

九

奴突厥回紇契丹諸大國本皆視等附庸卽今歐羅巴英圭黎法蘭西諸邦始亦如春秋鄙秦擯不與盟迺忽勃焉而興滅國數千百城拓地二萬餘里幾有席卷六合囊括四海之心泱泱乎北海大風哉雖然天道無親華戎有截不能自克其將辱於乾谿

按俄羅斯考本無涉藩部然哈薩克布魯特皆歸俄屬帕米爾安集延事又與俄相首尾故亦附於卷末

## 新疆南北邊隘形勢考

沿敖罕之葱嶺以東迄阿勒台山分界後皆緊鄰俄境俄於額爾齊斯河以輪船遡流而上可直達阿勒台山前

額爾齊斯河北流其下流卽斜米巡撫駐紮之地再七里餘俄里卽鄂穆

舒克總督駐紮之地

山後與俄之托穆爾接壤山之西南賽里山之陽曰霍博克

薩里爲土爾扈特布延圖親王牧地

在塔爾巴哈台東八百里餘里見西域釋地

霍博克薩里之東

南則布倫托海也布倫托海居噶勒札爾巴什淖爾之側

一作赫色勒巴淖爾一作奇薩

勒比斯淖爾案方略載乾隆二十三年副都統順德納奏言正月初一日在烏隆古擒獲厄魯特巴圖詢知奇薩勒比斯淖爾相近之博洛爾托海有哈薩克錫喇之得不齊達什札等藏匿其水多魚結寨住守云云博洛爾托海當卽布倫托海也元時名氣則

里寺海見西

域水道記

烏隴古河

卽元時龍骨河環流其南可耕可牧東行十二台間烏隴

古河青吉斯河布爾干河察罕河各大水兩岸豐茂再東則至科不多之沙子蓋台倚烏闌達巴罕大嶺爲險爲烏科兩城西南門戶而霍博克薩里南去迪化州僅三百里中隔大戈壁此沙漠東西五百里南北三百里可限敵騎然若越此長驅直抵古城可斷烏魯木齊之後路陰平陳倉之計不可不虞上年曾設布倫托海辦事大臣蓋亦爲此耳

案張守啓字塔城圖說上年俄人越界來布倫托海以求魚爲辭窺伺路徑其意顯然自齊桑淖爾以東至哈巴河以南阿爾泰山一路皆平原坦道稍有疏防即可長驅直進由俄倫吉木乃旬餘東達古城南至綏來有路皆通無險可恃云云

自育爾雅爾齋桑阿勒克圖扈爾兩巨泊分

歸俄界霍博克薩里又改隸阿勒台山大臣塔城益孤懸一隅喘息虎側西距葦塘子僅三十里

俄置縣於此

東則珠爾庫珠山與俄倫濟

木奈相鄰布昆圖山口去俄察罕鄂博卡不遠東北則瑪呢圖噶土勒干插入俄境四面楚歌無險可扼其距城百二十里之阿魯沁達爾蘭東北接塔爾巴哈台西南接博羅塔拉爲兩界適中非要之地亦劃歸俄且東通雅瑪圖軍臺可以斷塔城赴庫爾哈喇烏蘇之路則又亟宜設兵者也博羅塔拉爲伊犁之前障塔勒奇

## 新疆圖志

藩部三

十

嶺爲伊犁之中權而霍爾果斯河距惠遠僅一百十里越河七里卽俄之薩瑪爾置戍設官爲通商貿易之孔道西南之塔奇勒罕卡倫與俄擊拆相聞山南之特克斯川又與俄犬牙相錯上年俄人欲於阿托克伯克邁喀蓋察該納林廓拉

去甯遠城六七百里

廓爾札忒

第十八道鄂博迤東五十里爲烏宗島山東北爲錫伯營屯田正東爲纏回圩子水源甯遠城一百二十里

改行商路蓋一欲奪木素爾嶺之險

一欲侵特克斯川之腴幸疆臣力阻而止紅城市而北寇入澳門假而西舶來涓涓不塞卽爲江河尺距寸爭勿以其微而忽之也善塔斯巴爾琿兩大嶺昔通南疆其險已失而烏什西北畢底爾卡外與俄之阿里瑪圖僅隔一山西南徑布魯特闢展有通喀什噶爾之捷徑自喀什噶爾東北巴爾昌卡倫至葉爾羌南奇靈桑珠諸卡倫皆與布魯特界相連而喀什噶爾之喀浪圭烏帕爾英吉沙爾之圖木舒克卡倫皆昔浩罕屢次犯邊之路也喀什噶爾之烏魯克恰提爲中俄通商之孔道塔克敦巴什爲小帕入疆之總路而改子居其中舊爲辦事大臣十二卡倫之一領以待衛今

則守以士卒此又喀什噶爾通帕米爾之要區也山川險易恒因時勢爲轉移全疆隘要雖不盡此而亦無多滲漏爰係諸篇末以備籌邊者之一助云

新疆圖志

藩部三

十一